

2019-imi pisarnej malillugu siulersuisut ataatsimiinnerisa sisamaannit imaqarniliaq

| | |
|---------------------------------------|--|
| Piffissaq sumiiffillu | 3. december 2019, nal. 9.00-12.00 NiNuuk |
| Peqataasut | Henrik Sørensen, Simon Christiansen, Susanne Christensen, Christel Lund Bøjler, Susanne B. Rasmussen, Peter Rømer kiisalu Aline Mathiassen |
| Skype | Karsten Lyberth-Klausen, Hanne Sparholt Jørgensen, Dorthe Bidstrup aamma Henrik Nielsen |
| Peqataasinnaanatit nalunaartut | Peter Magnussen |
| Ataatsimiinnermi aqutsisoq | Henrik Sørensen |
| Imaqarniliortoq | Christel Lund Bøjler |

Siulittaasoqarfimmit ilisimatitsissut (ulluinnarni aqutsisunit ataatsimiititaliaq)

KLK-mit ilisimatitsissutigineqarpoq siulittaasoqarfiup Michael Binzer ataatsimeeqatigisimagaa, kiisalu aamma ullormut oqaluuserisassani ilaatigut oqallinneq atuuffiillu inissinniarnit ingerlanneqarsimasut, matumani siulersuisut ilusilersugaanerit pineqarluni.

Ataatsimiinnermit inerniliussat ilaat tassaavoq siulittaasoqarfiup iluani avammut nalunaarummik ingerlatsisoqannginnerani isumaqatigiinnerup inisseqqaarneqarnissaanik pingaartitsinissaq, matumani isumaqatigiissutigineqarpoq nalunaarutit ataatsimoorussaanaissaat. Aammattaaq anguniakkanut atatillugu ulloq ingerlanneqartussat eqqartorneqarpoq, tamannali siulittaasoqarfiup ataatsimiinnissaani tullermi Januarip naanerani ingerlanneqartussami Michael Binzer peqatigalugu qaqilertorneqaqqissaq, matumani anguniakkanut tunngatillugu ullormi ingerlariuserineqartussa qilersaaruserineqassalluni.

| | | |
|----|---|--|
| 1. | <i>Ataatsimiinnerup ingerlanneqarnera</i> | |
| | a. | <i>Ullormut oqaluuserisassat akuerineqarneri</i> |
| | | Indstilling: Ullormut oqaluuserisassat akuerineqassapput |
| | | Oqaaseqaateqanngilaq. |
| | | <i>Ullormut oqaluuserisassat akuerineqarput.</i> |
| 2. | <i>Ataatsimiinnermit kingullermit qaqilertuinerit</i> | |
| | a. | <i>Akademi-ilinniarnerni (AU) ilinniartitaanermi aaqqissuusseqinnermut akuerisaanermi allagaqaatit killiffii</i> |
| | | (Oqaatsitigut ilisimatitsissut) |
| | | Inassuteqaat: Killiffik tusaatissatut tiguneqassaaq |

| | | |
|--|----|--|
| | | <p>CLB sap. Ak. Siulliani Naalackersuisoqarfik ataatsimeeqatigisimavaa, Naalackersuisoqarfiullu AU-mut studieordningip naatsorsorneqaqqissaarnerata akuerineqarnissaa sulissutigalugu. Qaammatip ingerlanerani SWB unittussaammat studieordningip juullertinnagu akuerineqarnissaa naatsorsuutigineqarpoq.</p> <p><i>Siulersuisut ilisimatitsissut tusaatissatut tiguaat</i></p> |
| | b. | <p><i>Siulersuisut imaqarniliaasa avammut saqqummiunneqarneri</i></p> <p>(Oqaatsitigut ilisimatitsissut)</p> <p>Inassuteqaat: Killiffik tusaatissatut tiguneqassaaq</p> <hr/> <p>Imaqarniliat NiNuuk-ip nittartagaanut ilineqarsimapput, taamattaarlu CAK-ip nittartagaanut ilineqassallutik.</p> <p>Imaqarniliat nassiuinneqarnissaat akuerineqarnissaallu kinguaattoorutaangaatsiarsimavoq. KLL-mit siunnersuutigineqarsimavoq atuarfimmi aqutsisoq oqilisaanniarlugu aalajangersimasumik avataaneersumik (siulersuisut avataannit) imaqarniliortoqarsinnaannginnersoq.</p> <p>Siulersuisunit tamanna taperserineqarpoq.</p> <p><i>Siulersuisut imaqarniliat pillugit ilisimatitsissut tusaatissatut tiguaat.</i> <i>Siulersuisut atuarfiit aqutsisunit siulittaasoqarfimmut avataaneersumik imaqarniliortoqarnissaanut inassuteqaammut pisinnaatitsipput.</i></p> |
| | c. | <p><i>Ineriartortitsinissamut isumaqatigiissutip (inerniliinermut isumaqatigiissut) suliarineqarnerata killiffia</i></p> <p>(Oqaatsitigut ilisimatitsissut)</p> <p>Inassuteqaat: Killiffik tusaatissatut tiguneqassaaq</p> <hr/> <p>CLB-ip Naalackersuisoqarfimmit ataatsimeeqateqarneranittaaq aamma eqqartorneqarpoq ineriartortitsinissamut isumaqatigiissut taassumalu siunertaata suliarineqarnera. Naalackersuisoqarfimmit pitsaaneruseqarnissaa paasissutisseeriaaseqarnissamut anguniakkanullu suliniutaasunut aqutseriaatsip eqqarsaatersuutigineqarnerat sulitaperserineqarpoq.</p> <p>CLB-imit Naalackersuisoqarfimmut siunnersuutigineqarsimavoq aqqissuussaaneerup ineriartortitsinermullu isumaqatigiissutip imarisaa siulersuisut martsimi ataatsimiinneranni saqqummiunneqassasoq, matumani siulersuisunit aqqissuussaaneq imarisaalu akuerineqassappata Naalackersuisoqarfimmut nalilersorneqaqqullugu missingiut nassiuinneqassaaq. Tamatuma kingorna KNII/branche-ilinniarfinni maajimi ataatsimiinnermi qaqilertorneqassaaq, tassanilu atuarfinnut tamanut najoqqutaalernissaa maannamullu inerniliinermi isumaqatigiissummut taarsiunneqarnissaa anguniarneqassalluni.</p> <p><i>Siulersuisut ilisimatitsissut tusaatissatut tiguaat</i></p> |

| | | |
|----|--|--|
| 3. | Ilisimatitsissutit | |
| | a. | <p data-bbox="331 273 1436 306">Siulittaasoq</p> <p data-bbox="331 315 1436 409">Piffissaq kingulleq BA-mi pisumut atorineqangaatsiarsimavoq, matumani apeqqutinit akioraanernut, Naalakkersuisup ataatsimeeqatigineranut, kiisalu aamma inatsisilerituup attaveqatigineranut.</p> <p data-bbox="331 454 1436 660">KLK-mit Naalakkersuisoqarfimmi allaffissornikkut pingaarnertut pisortaa ataatsimeeqatigineqarsimavoq, matumani misissueqqissaarnerup allaaserineqarnerata ilusaa pineqarluni, kiisalu aamma ukiuni kingullerni arlalinni Naalakkersuisoqarfimmi pilersaarutit iluatsinneqarsimanersut amigaataanerarlugit taakkartorneqarluni. Akissut tassaavoq, pineqartumi akissut allakkatigut akineqartussaammat taamatut suliarineqassasoq.</p> <p data-bbox="331 705 1436 1014">KLK-mit oqaasertalerneqarpoq tamanna misissueqqissaarnermi peruserineqartartoq naliginnaasoq, tassa imaappoq illuatungeriit tamarmik aalajangiinermittut inassuteqaatit sinaakkusersuutissaanut saqqummiussissapput, taassumallu kingorna oqaasertaliunneqarsimasut qanoq isikkoqarnissaat isumaqatigiissutigineqassaaq kiisalu aamma kina misissueqqissaartutut atuuffeqassanersoq aalajangerneqassalluni. Matumani pisumi tamanna pisimangilaq, taamaakkaluartorli KLK-mit siulersuisut inatsisilerituut inerniliussaani aalajangiisoqartinnagu utaqqaarnissaa naqissuserneqarpoq. Eqqaasissutigineqassaaq KLK BA-mut atatillugu pisumut tunngatillugu tusagassiutitigut aamma saqqumilaarnikummat.</p> <p data-bbox="331 1059 1436 1093"><i>Siulersuisut ilisimatitsissut tusaatissatut tiguat</i></p> |
| | b. | <p data-bbox="331 1131 1436 1164">Sulisut sinniisaat</p> <p data-bbox="331 1173 1436 1207">PR –CAK-mi sulisut soqanngilaq</p> <p data-bbox="331 1238 1436 1556">SBR-imit oqaluttuarineqarpoq sulinermi piffissaliussamut tunngatillugu isumaqatigiissut nutaaq atuutilersinneqarsimasoq tassanilu aamma ilinniartitsut sulinerannut aamma sunniuteqarsimanerarlugu. Ilinniartitsunit erseqqissaatigineqarpoq qaffariaateqarneq pitsaasumik sunniuteqarsimasorinangitsoq ilaatigullu aamma isumaqatigiissummut pituttorsimasutut misinnarluni. Iluangilaq tamanna peqataaffigalugu, kiisalu aamma ilinniartitsisut arlallit atorfiminnit taamaatitsiinnarnissaannut peqqutaalluarsinnaalluni. Taassuma saniatigut allaffissornikkut ammanerusumik inimi allaffeqalernerq sulianut ilungersuutaannangorsimavoq, taamaasillunilu aamma silaannarmut pitsaanngitsumik sunniuteqarluni.</p> |
| | c. | <p data-bbox="331 1597 1436 1630">Ilinniartut aallartitaat</p> <p data-bbox="331 1639 1436 1771">AM-imit ilisimatitsissutigineqarpoq ilinniartut sinniisaat ilaatigut ilaasortanit kajumissuseqannginneq peqqutaalluni ataatsimiinnernit ingerlatsisoqarsimangitsoq. Atuaqatigiiaanit arlalinnit uterfigineqarnissaq amigaataavoq, kiisalu aamma attaveqarfissamik amigaateqartoqarluni.</p> |
| 4. | Aqutsisut nalunaarutaat aningaasaqarnikkullu killiffik | |
| | a. | <p data-bbox="331 1854 1436 1921"><i>2019-mi kvartal pingajuannut aqutsisut nalunaarutaasa kiisalu aamma aningaasartuutit killiffiisa akuerineqarneri</i></p> |

| | |
|--|--|
| | <p>CAK-imut 2019-imi kvartal pingajuannut aqutsisut nalunaarutaat kiisalu aamma aningaasartuutit killiffii</p> <p>Ilanngussaq 4.a.1. Inassuteqaat pillugu nalunaarut Ilanngussaq 4.a.2. CAK-imut 2019-imi kvartal pingajuannut aqutsisut nalunaarutaat kiisalu aamma aningaasartuutit killiffii</p> <p>Inassuteqaat: 2019-imut kvartal pingajuannut aqutsisut nalunaarutaat kiisalu aamma aningaasartuutit killiffii</p> <hr/> <p>HEN: Naalackersuisut naatsorsueriaatsimut systemia nutaaq kiisalu aamma "Aqutsisunut ilisimatitseriaaseq" ajornartorsiutaangaatsiarput. CAK taamaallaat pikkorissarnerni neriorsuutigineqarsimasuni annikitsuaraarnarmik peqataatinneqarsimavoq. Assersuutigalugu allaffimmi aqutsisorput neriorsorneqarsimagaluarpoq pikkorissaanerit arfinillit peqataaffigissavai, piviusorli unaavoq uagut assigaluta ilisarititsinertut pikkorissarnerit tiimit 3-imit ingerlassimallugit. Taamaattumik piareersimasutut misiginngilagut. Branche-ilinniarfiit amerlanerit allat tamanna aamma qaqilertorsimavaat assinganillu nalaataqarneq nalunaarutigineqarsimalluni.</p> <p>HEN: Naatsorsueriaatsimut systemip nutaap ajornartorsiutaanera qularnangitsumik 2019 Ukiumut nalunaarusiamut kiisalu aamma Deloitte naatsorsueqqissaarneranut kinguaattoortitsissaaq. Tamanna pillugu ataavartumik Deloitte attaveqaaqatigaarput.</p> <p>HEN: GUX-imi ilinniartitsisut taarseraattorujussuusimapput, taakkulu kingunerisimavaat nutsernermi aningaasartuutit annertuut ingerlasimaneri. Suliffeqarfiup inaataanik amigaateqarneq pequtaalluni Naalackersuisut akuersissuutaat tunngavigalugu avataanit ininut inissiigallartariaqarsimavugut tamannalu aamma akisoorujussuavoq. GUX-imi ilinniartitsisut nutaat amerlasuut GUX-perorsaanertaanut aningaasartuutaangaatsiarput. Tamanna aningaasartuutitigut akisungaatsiarmat perorsaanermut tunngasoq sapinngisaq tamaat kinguartipparput.</p> <p>PR – Perorsaanermut ilinniarnermi ingerlaaseq namminersortumik aningaasartuutissanut missingersuuteqarpoq, tasanilu CAK taamaallaat marlunnut atuisinnaalluni – GUX Nuuk 12-inik ingerlataqarluni. Immikkut assigiinngitsumik aningaasaliivigineqarsimanera ilisimaneqanngilaq.</p> <p>HEN – Perorsasutut ilinniarnermut 2014 toqqammaviusumik aningaasaliissutit qaffanneqarsimapput, tamannali maannamuugallaq takuneqarsinnaanngilaq. Naalackersuisoqarfik peqatigalugu ataavartumik oqallinneq ingerlanneqarsimavoq, ineraneqanngitsumilli.</p> <p>HJS –Naatsorsuutini takuneqarsinnaava? GUX-mi NI-milu immikkoorpat?</p> <p>HEN –Aningaasani akiliutaasimasumit paasissutissat aaneqarsinnaapput</p> <p>KLK – ilisimatitsivoq GUX Sisimiunut aningaasaliissutit Aningaasanut Inatsimmut siunnersuummi 2020 4 mio. kr. annikillineqarsimasut.</p> <p>HEN – Amerlanerusut perorsasutut ilinniarnermut aallartinneqarunik atuarfiup ataatsimut aningaasaqarneranut sunniuteqassaaq.</p> <p>KLK –Akissarsianut atatillugu aningaasartuutini kukkusoqarsimanera pillugu oqaaseqaatit – kisitsisit misissoqqissaarneqassapput.</p> <p><i>Aalajangerneqarpoq kisitsisit nutaat siulersuisunut nassiunneqassasut.</i></p> |
|--|--|

| | | |
|----|----|---|
| | | <p><i>2019-imi ukiup affaanut Aqutsisut nalunaarutaat aammalu aningaasartuutitut missingersuutit killiffii akuerineqarput.</i></p> |
| | b. | <p><i>2019-mi kvartalit pingajuannut Aqutsisut nalunaarutaat aammalu aningaasartuutitut missingersuutit killiffiisa akuerineqarnissaat</i></p> <p>NiNuuk-imut 2019-imi kvartalit pingajuannut Aqutsisut nalunaarutaat aammalu aningaasartuutissat missingersorneqarnerisa killiffii</p> <p>Ilanngussaq 4.b.1. Inassuteqaat pillugu nalunaarut Ilanngussaq 4.b.2. NiNuuk-imut 2019-imi kvartalit pingajuannut Aqutsisut nalunaarutaat aammalu aningaasartuutissat missingersorneqarnerisa killiffii</p> <p>Inassuteqaat: NiNuuk-imut 2019-imi kvartalit pingajuannut Aqutsisut nalunaarutaat aammalu aningaasartuutissat missingersorneqarnerisa killiffii</p> <p>CLB-mit ilisimatitsissutigineqarpoq MerX-ilinniarnermut aningaasaliissutit aaqqinneqarsimasut (holdinut sap.ak. 7.500kr-mik annikillisinneqarsimapput), tamannalu 2020-mut Aningaasanut Inatsimmi aalajangiunneqarsimalluni. Taamattaq aamma CLB-mit ilisimatitsissutigineqarpoq BA-ilinniarnernut aningaasaliissutit aamma atuutilersinneqarsimasut, kiisalu maanna 2020 1. februar aallartinnissamut ajornaquteqarunnaartoq.</p> <p>2020 ukiup affaanut kingullermut aningaasaliissutit tiginissaanut tunngatillugu Naalackersuisoqarfik naapertorlugu annertuallaamik tunniussisoqarsimavoq. Tamannali ukiut affaata aappaani suliassat amerlinerani (MerX-imi holdit amerlanerusut) nalimmassarneqassalluni.</p> <p>Aningaasartuutissanut missingersuutit killiffiini annertunerusumik nikingasoornermik takussutissaqanngilaq. Taamaakkaluartoq amigartoorutit amigartoorutit annertusimapput. Tassunga peqqutaasoq ilaatigut tassaavoq aningaasatigut aqutsinermi systemimut nutaamut akiligassiissutigineqartussat 1.700.000 kr.-niusut amigaataammata, taakkulu ukioq naatinnagu akiligassiissutigineqassapput.</p> <p><i>2019-mi ukiup affaanut kingullermut Aqutsisut nalunaarutaat aammalu aningaasartuutissanut missingersuutit killiffii akuerineqarput</i></p> |
| 5. | | <p>Ilisimatitsissutissat</p> |
| | a. | <p><i>GUX-mi Branche-ilinniarfinnilu ataatsimut naammagisimaarinninnermut misissueqqissaarnerit pillugit ilisimatitsissut</i></p> <p>(Oqaatsitigut ilisimatitsissut)</p> <p>Inassuteqaat: Killiffik pillugu ilisimatitsissut tusaatissatut tiguneqarpoq</p> <p>CLB-mit ilisimatitsissutigineqarpoq ataatsimut naammagisimaarinninneq pillugu misissueqqissaarneq aallartinneqarsimasut naatsorsuutigineqarlunilu decemberip aallartilaarnerani naammassineqassasoq. Juullertinnagu inerniliussat piareernissaat naatsorsuutigineqarpoq. Inerniliussat takunissaat pissanganarluinnarpoq.</p> <p><i>Siulersuisut ilisimatitsissut tusaatissatut tiguat</i></p> |

| | |
|----|---|
| b. | <p><i>2019-mi sulinermi piffissaliussat pillugit isumaqatigiissutip piareersaatigineqarneranut piviusunnngorsarneqarneranullu killiffik</i></p> <p>AK, AGS aamma DJØF peqatigalugu sulinermi piffissarititaasoq pillugu isumaqatigiissutip suliarineqarneranut killiffik</p> <p>Ilanngussaq 5.b.2. NiNuuk killiffik</p> <p>Inassuteqaat: Killiffik pillugu ilisimatitsissut tusaatissatut tiguneqassaaq</p> <p>HEN-imit ilisimatitsissutigineqarpoq sulinermik piffissaliussaq pillugu isumaqatigiissut 1. januarimit atuutilersinneqassasoq kiisalu aamma Niuernermik Ilinniarfimmi ilinniartitsisunut tamanna atuutsinneqarluni.</p> <p>CLB-mit ilisimatitsissutigineqarpoq NiNuuk-imi ilinniartitsisunut ilisarititsinermi ataatsimiinnermik ingerlatsisoqarsimasooq, tassani sulinermi piffissaliussaq pillugu isumaqatigiissut saqqummiunneqarsimalluni, kiisalu aamma taassumani NiNuuk-imi ilinniartitsisunut sunniutissaa aamma saqqummiunneqarluni. Piareersarnermi sulinerit annertunerusut ingerlanneqarsimapput, matumani sinaakkutissat aalajangersimasut sulinermilu piffissaliussaasut siunissami eqqortumik allaaserineqarnissaat sulissutigineqarsimallutik, kiisalu aamma attaveqaqatigiinnerup periutsillu qanoq ingerlariuseqarnissaa aalajangersarneqarsimalluni. Oqaloqatigiinnerit suullit ingerlanneqarsimapput, tulluilu decemberip aallartinneqarnerani ingerlanneqarnissaat naatsorsuutigineqarluni. Periuseq tamarmik ajornaatsuinnaanaviangilaq, taamaakkaluartorli ataatsimut paasisinnaasatsinnik periutsimut nutaamut inissiffissarsinissarput neriunarpoq.</p> <p><i>Siulersuisut ilisimatitsissut tusaatissatut tiguat</i></p> |
| c. | <p><i>Naalackersuisuni Aningaasaqarnikkut aqutsinermi systemip killiffia</i></p> <p>Piviusunnngorsaanerup 2019 1. oktober aallartisarneqarsimasup killiffia</p> <p>Inassuteqaat: Killiffik pillugu ilisimatitsissut tusaatissatut tiguneqassaaq</p> <p>Aningaasaqarnermi aqutsinermut systemi 1. oktober 2019 piviusunnngorsarneqarluni aallartinneqarpoq. Systemimik atuineq kipiluttunarsimavoq sulilu aamma kipiluttunarsiortitsilluni. Akiliinermi akuerseriaatsimut maleruagassiortoqarsimavoq piviusunnngorsaaneramilu periarfissat aamma allanngortiterneqarsimallutik, konti-nut naatsorsueqqissaarnermullu pisinnaatitaaffiit amigaatigineqarput. Annertunerpaartaali tassaavoq nassiunneqarsimasut akiligassiissutit amigaatigineqarmata, taakkulu tammarsimallutik. Naatsorsuutigineqarpoq ukiup naalernerani akiligassiissutit naninissaanut akilerneqarnissaanullu suliaq annertungaatsiassasoq. Taamattaq Naalackersuisut suleriuseq ullormiit inaarutaasumik akiligassiissutit akilerneqarnissaat allanngortissimavaat, taamaasilluni ajornerpaaffissaani sap. Ak. Marluk akiligassiissutit akilerniarneqartussanngorlugit. Tamanna susassaqrfinnut nalunaarutigineqarsimanngilaq.</p> <p>Naatsorsuutit saqqummiunneqarnissaat kiisalu aamma pisarneq malillugu atuarfimmi aqutsisut ukiumut nalunaarutit sukumiisumit saqqummiussisarnerattut</p> |

| | | |
|----|-------------------|--|
| | | <p>iliortoqarsinnaanissaa naatsorsuutigineqanngilaq. Maannamuugallaq taamaallaat ataatsimut aningaasartuutit isertitallu takuneqarsinnaapput.</p> <p>CLB-p naatsorsueqqissaartartoq ataatsimeeqatigisimavaa, tassani qanoq aaqqiissuteqarsinnaaneq paasiniallugu, sorliillu formatit atuarfiit naatsorsueqqissaarnerannut atorineqarsinnaanersut.</p> <p><i>Siulersuisunit naatsorsueqqissaarnerit naammaginartumik saqqummiunneqarsinnaassannginneri ernummatigineqarsimavoq. Siulersuisunit aalajangiunneqarsimavoq aningaasaqarnikkut systemip allanngortinneqarnera ilutigalugu ukiumut nalunaarusiat iluamik inaarneqarsinnaannginnissaannut ernumassuteqarneq Naalackersuisoqarfimmut allaaserineqassasoq.</i></p> |
| 6. | Aalajangiiffissat | |
| | a. | <p><i>Orientering om BA-uddannelsessituationen</i></p> <p>(Oqaatsitigut ilisimatitsissut)</p> <p>Inassuteqaat: Ilisimatitsissut tusaatissatut tiguneqassaaq</p> <p>20. december killigalugu ilinniarnermut akuerisaanissamut suliat ingerlanneqarput, naatsorsuutigineqarlunilu holdit BA-mi, IHM-imi aamma BA ØR-imi 1. februar 2020 aallartissinnaassasut.</p> <p>Studieordningip allakkatigut akuerineqarnissaanut tunngatillugu ilinniarnert pitsaassusaannut qularnaarinissaq piumasaaqatigineqarpoq. Suliniut tamanna atuarfeqarfiit misissorlugu aallartippaat, naatsorsuutigineqarporlu ilinniarnert pitsaassusaanik qularnaarinissaanermut sinaakkutissanut ilusiliinissamullu missingersuut martsimi siulersuisut ataatsimiinnissaannut saqqummiunneqarumaartoq. Taassuma kingorna sinaakkutit ilusilersuinerlu pillugit oqaloqatigiinneq Naalackersuisoqarfik peqatigalugu ingerlanneqassaaq.</p> <p><i>Siulersuisut ilisimatitsissut tusaatissatut tiguat</i></p> |
| | b. | <p><i>Inerniliisarnermut isumaqatigiissutip 2020-2023 akuerineqarnera</i></p> <p>Inerniliinissamut isumaqatigiissut Naalackersuisoqarfimmut nalunaarusiaq naapertorlugu tunniunneqassaaq.</p> <p>Ilanngussaq 6.b.1. 2021-2024 CAK-imut Inerniliinissamut isumaqatigiissut Ilanngussaq 6.b.2. 2021-2024 NiNuuk-imut Inerniliinissamut isumaqatigiissut</p> <p>Inassuteqaat: Inerniliinissamut isumaqatigiissut pillugu inassuteqaat akuerineqassaaq</p> <p>Atuarfimmi aqutsisut atuarfinnut taakkununga marlunnut inerniliinermi isumaqatigiissutinut missingiummik saqqummiussipput. Isumaqatigiissutit saqqummiunneqarput taakkunungalugu CAK-imut ilanngussassaqqarpoq NiNuuk-imullu allannguutissaqalaarluni.</p> <p><i>Siulersuisut aalajangiuppaat Inerniliinissamut isumaqatigiissut CAK-imoortoq siulersuisunut ingerlateqqinneqassasoq, matumani ilassuteqaatit akuerineqarnissaat siunertaralugu.</i></p> |

| | | |
|----|--------|---|
| | | <p><i>(Matumani amigaatigineqarsimammat maannamut takornariaqarnikkut angallassisunut-ilitersuisut-ilinniarnep ineriartortinneqarneranut innersuussut, kiisalu aamma qarasaasialerinermit ilinniarnep ingeriartortinneqarnera.</i></p> <p><i>Siulersuisut allangortitaniut ilassuteqaatit NiNuuk-imut inerniliinermit isumaqatigiisummiittut akueraat, kiisalu aamma Naalackersuisunut nassiussinissaq akueralugu.</i></p> |
| 7. | Suliat | |
| | a. | <p><i>Anguniakkanut tunngatillugu suliniutit killiffii qaqilertornerilu</i></p> <p>Ilanngussaq 7.a.1. CAK Ilanngussaq 7.a.2. NiNuuk Ilanngussaq 7.a.3. Ataatsimut anguniagassanut atatillugu suliniutit ingerlanneqarnerannut takussutissiaq</p> <p>Inassuteqaat: Inassuteqaat akuerineqassaaq</p> <p>HF Imarsiormut sammisortaat uninngatikallarneqarpoq – Naalackersuisoqarfimmit nalunaarutigineqarsimavoq isumannaallisarneqassasut nutaanillu sammivilersorneqaratik. GUX-imit aallutarineqartussaq tassaassaaq toqqammaviumik neqeroortigineqartussaq kiisalu aamma aqqissuusseqqinnermi apeqqutit. HEN – Inerniliinermit isumaqatigiisummi sammivinnut nutaanut suliniutaasussat allangortinneqassappat? SC – anguniakkat qaqilertornerini tamanna pisariaqassaaq. Ilaasortat allat isumaqataapput. HS – ajuusaarnarpoq anguniakkat pillugit ullut ingerlanneqartussat maanna pissanngimmata, taamaattorli martsimi sammineqartariaqarput.</p> <p>KLK – anguniakkat pillugit ulluni ingerlanneqartussani aalajangiinerit pillugit takornariaqarneq ataatsimut angallassinermut ilinniarnerinnaanngitsoq CAK-p aallutarissannginnamiuk? HEN – angallassinermut ilinniarnep kisimi. Anguniakkanut suliniutit pillugit qulequtaq allangortinneqassaaq, taamaasilluni angallassinermut ilinniakkamut naapertuuttunngorlugu.</p> <p>SBR – Naalackersuisoqarfiup tunngavilersuutai GUX-imut, sammivimmut allamut ingerlaqqinniaaraanni akuerisaanissamut toqqammaviumut appasippallaarmata (kannibalisme). Soormi 70%-ii taakku ingerlaqqinneq ajortut tunngavigineqarunik? Matumani ilinniarsinnaanermut neqeroortut aallunneqarli. Tamassuma taarsiullugu tunngavigineqarnissaa siulersuisunit isumaqatigineqarpoq.</p> <p><i>Siulersuisunit inerniliissutigineqarpoq kaagip annertusarneqarnissaa anguniakkat sulissutigineqarneranut tulluunnerpaassasoq.</i></p> <p><i>CAK-imit suliniutigisat qulequtaasa allangortinneqarnissaa "takornariaqarnerup iluani nukittorsaaneq"-mut siulersuisunit aalajangiunneqarpoq.</i></p> <p>Ikaartarfiliorneq SC –Naatsorsuutigineqartut misissuiffigineqartarpat?</p> |

| | |
|----|---|
| | <p>HEN – Naamik, maannakuunngitsoq.</p> <p>KLK –Suliniut atuarfimmi aqutsisuusimasut sulinerata nalaaneersuuvoq, taamaattorli taamanikkut aningaasaqarnertaa siulersuisunit itigartitsissutigineqarsimavoq, aningaasaqarnertaa qanoq isikkoqarpa?</p> <p>HEN –Ilisimaneqanngilaq, taamaakkaluartoq anisinneqarsinnaavoq nassiunneqarlunilu.</p> <p>KLK – Suliniummut missingersuutit aningaasaqarnermullu tunnasut siulersuisunut nassiunneqassapput.</p> <p>HJS – siunnersuut: 1. g meeqqat atuarfiini atuartitsinissaminnut suliakkerneqassapput ilinniartitsisut nassuaanissaraluannut taarsiullugu.</p> <p><i>Siulersuisunit inerniliissutigineqarput eqqarsartaaseq toqqammaviusumik pitsaasuusoq, taamaakkaluartorli paasissutissanik pinissamut misissuinermilu inerniliussanik pissarsinissamut piumasaaqatit annertunerulissasut kiisalu aamma siumut suliniutigisassat aallunneqarnerulissasut.</i></p> <p><i>Suliniummut aningaasartuutit takussutissiarineqarneri siulersuisunut nassiunneqassapput.</i></p> <hr/> <p>MTU- NiNuuk-imut MTU ingerlaasia</p> <p>SBR –Suleriutsip qanoq ingerlaaseqarnissaa siulersuisut naatsorsuutigivaat?</p> <p>SC –Apeqqut uterteqqinneqarpoq, illit qanoq naatsorsuuteqarpit? Siulersuisut paasitinneqassapput, taamaakkaluartoq ingerlatsinermit toqqaannartumillu suleriutsimut akulerunneqassanatik. Taamaammat maannamuugallat, aap suleriuseq kingullermitulli ittuussaaq, kisianni missingersuutit pisariqarpata qaqilertorneqarsinnaalluni.</p> <p>HS – Uannut missingersuutit inerneritikkusutanut ersiutaapput. Sulinermit piffissaliussaq pillugu isumaqatigiissutip nutaap suleriuseq sunnertussaavaa. Tamannalu pillugu missingersuusiornissaq pingaaruteqarpoq – inernerit ajorpata pitsanngoriarsimappataluunniit siulersuisut atuarfiup aqutsisuiunut ingerlatitseqqiiinnaassapput.</p> <p>SiC – Missingersuutit siulersuisut soqutigisarivaat, ingerlaaserlu taakkunungalu pingaarnersiunerit aallaavigalugit suliniutaasussat atuarfiup ingerlatassaralugittaaq.</p> <p>KLK – Baseline tunaartassanik erseqqissaavaatoq, tamaasa iliuuseqarfigineqarsinnaanngillat, taamaakkaluartoq pingaarnersiuisoqartariaqarpoq ataasiakkaallu suliaralugit. Ingerlaavartumik qisuariarfissaapput. Nalilersuinerit pingaaruteqarput taakkunungalu aamma inernerit pillugit peruserineqartumut aalajangersimasumik tunaartarisassariaqarluni.</p> <p>SC – MTU-mi apeqqutit eqqortuunersut sukumiisumik iserfigissallugit pingaaruteqarpoq, amigaateqarpata.... Pingaaruteqarpoq sulisut kingunerasigut qisuariartoqarnissaata takusinnaanissaa.</p> <p><i>Suliniutinut susassaarfik anguniakkat pillugit ulluni qaqilertorneqassaaq.</i></p> |
| b. | <p><i>TNI-ilinniarnep killiffia suliallu naatsorsorneqarneri</i></p> <p>(Oqaatsitigut ilisimatitsissut)</p> <p>Inassuteqaat: Killiffik pillugu ilisimatitsissut tusaatissatut tiguneqassaaq</p> |

| | | |
|----|-------------------------------------|--|
| | | <p>Atuarfinni taakkunani marlunni aqutsisuusut ataavartumik ilinniartitsisut pilersaarutaannik nutaanik suliaqarput taakkulu qaffasissusermut c-mut tulluussarlugit. Tamanna isumaqarpoq SK1 oktoberimi aallartittusaaq aqqissuussami nutaamiissasooq. Holdit pioreersut ataavartumik tulluussarneqassapput.</p> <p><i>Siulersuisut ilisimatitsissut tusaatissatut tiguaat</i></p> |
| | c. | <p><i>NiNuuk-mut CAK-mullu MTU-ingerlaasissaata killiffia</i></p> <p>(Oqaatsitigut ilisimatitsissut)</p> <p>Inassuteqaat: Killiffik pillugu ilisimatitsissut tusaatissatut tiguneqassaaq</p> <p><i>Siuliani imm. 7.a.2. takuuk</i></p> |
| | d. | <p><i>Greenland Business School pillugu suleqatigiiaat killiffii</i></p> <p>Suliniutit piffissamullu pilersaarut kingulleq takuuk.</p> <p>(Oqaatsitigut ilisimatitsissut)</p> <p>Inassuteqaat: Ilisimatitsissut tusaatissatut tiguneqarpoq</p> <p>Greenland Business School-imut ataatsimiititaliarsuaq pillugu 5. december ataatsimiinnissamut Naalackersuisoqarfik aggersarneqarsimavoq, matumani 2020-p aallartinnerani suleqatigiiaat aallartinnissaaq siunertarineqarluni. Ataatsimiinnermi CLB, KKK aamma HS peqataassapput. Siulersuisut ataatsimiinnissaaq pillugu ilisimatineqassapput kiisalu aamma ukiumi nutaami aallartisarnissaaq pillugu.</p> <p><i>Siulersuisut ilisimatitsissut tusaatissatut tiguaat</i></p> |
| 8. | Sanaartukkat aserfallatsaaliuinerlu | |
| | a. | <p>CAK-imi sanaartorneq aserfallatsaaliuinerlu</p> <p>CAK-imi sanaartorneq aserfallatsaaliuinerlu pillugit killiffiup naatsumik saqqummiunneqarnera</p> <p>Ilanngussaaq 8.a. CAK-imi sanaartorneq aserfallatsaaliuinerlu</p> <p>Inassuteqaat: Inassuteqaat akuerineqassaaq</p> <p><i>CAK B-numrenik atuinissamut 40 miss. Amerlassusilinnik pisinnaatitaaffeqarpoq. Atuarfiup illutaata annerpaartai pitsaanngitsumik inissisimapput, taassumallu saniatigut eqqissisimatitaanngikkunik tigungmiinnarneqartussatut nalunaarsugaallutik. Tamanna iluarsartuussinissamut kipiluttunarsiortitsivoq.</i></p> <p><i>B-1277 iluarsartuunneqarnissaa (GUX) maanna ukiut arlersimavai, tassanilu piffissami illut allat iluarsartuunneqarnissaa kinguaqattaarsimalluni.</i></p> <p><i>B-20 Qaqortumi NI annertunerpaartarivaa ilaatigullu 2015 kingorna matoqqasarsimalluni. B-20 tigungmiinnarnissaanut nalilittut nalunaarsorneqarsimavoq, tamanna nutarsaanermut kipiluttunartitsilluni. Taamaakkarluartooq ilinniartut ineqarfiat B-20A 2018-</i></p> |

| | |
|----|--|
| | <p><i>imi iluarsartuunneqarsimavoq, maannalu B-20C iluarsartuunneqarnera ingerlanneqarluni. B-20B iluarsartuunneqarnissami pisariaqarnerpaaq B-18-ip iluarsartuunneqareerneranut kinguartinneqarsimavoq.</i></p> <p><i>B-18 (Nakorsat iniginikuusaat) eqqissimatitaavoq. Taanna 2015-imi matoqqasimavoq. MASANTI tamaat iluarsartuunneqarnissaanut pilersarusiorsimavoq. Naalakkersuisut naapertorlugit B-18-ip iluarsartuunneqarnissaa 2020 aallartissaaq. Naatsorsuutigaara iluarsartuunneqarnera ukiuni marlussunni sivilussuseqassasoq, taassumalu kingorna illu aatsaat atorneqaqqissinnaassalluni.</i></p> <p><i>CAK isumaqarpoq ukiuni kingullerni iluarsartuussineq siuliinut sanilliullu pitsaanerujussuusoq. Tamanna nakutilliinerup pitsaaneruneranit pinera naatsorsuutigineqarpoq.</i></p> <p><i>MASANTI Qaqortumi annertuumik ineriartortitsisimavoq, tamannalu isumaqarpoq kiffartuussineq pitsaanerullunilu sukkanerujussuusoq.</i></p> <p><i>ASA-p sanaartornermut immikkoortortaarfia peqatigalugu attaveqaqatigiinneq maanna ingerlanneqarpoq. Taanna immikkoortortaarfik sulisumik ataatsimik annertusisimavoq 2019-imi (Kaj Heilmann). Taakkunanit nalunaarutigineqarsimavoq 2019-imi sammisaaq klimasskærmiussasut kiisalu 2020 sammisaaq tassaassasoq nukissamik atorluaaneq. Tassunga atatillugu termografiskimik B-20-illutaanut misissuititsisimavugut, ajoraluartumillu ersarissilluni illut arlallit pitsaanngilluinnartumik oqorsagaasut. Tamaattumik neriuutigaarput, B-20 annertunerusumik iluarsartuunneqarnissaanut pilersarusiami pitsaanerusumik oqorserneqarnissaat ilanngunneqarumaarpoq.</i></p> |
| b. | <p>NiNuuk-imi sanaartorneq aserfallatsaaliuinerlu</p> <p>NiNuuk-imi sanaartukkat aserfallatsaaliuinerillu killiffii pillugit naatsumik saqqummiineq</p> <p>Ilanngussaaq 8.b. NiNuuk-imi sanaartorneq aserfallatsaaliuinerlu</p> <p>Inassuteqaat: Inassuteqaat akuerineqassaaq</p> <p>Illuliaq tungujortoq juulimi allanngortiterneqarsimavoq, maannalu sulisut tamarmik 1. sal-imi ataatsimoortinneqarsimallutik. Neqeroorummik pissarsisoqarpoq, juunillu aallartinnerani suliaq aallartinneqarluni. Allanngortiterinissamut pilersarusiaq sukannersoq isumaqarpoq pingaarnersiuiinermi sorliit tassani piffissami siulliullugit suliarineqarsinnaaneri naatsorsorneqarlutik suliarineqapallassinnaaneri aallaavigineqarsimasut, kingusinnerusukkullu sinneruttut suliarisassanngortinneqarsimallutik. Pingaartumik inini ilinniartitsiffiusartunik suliasat pitsannguutissat annertupput, kiassaatinik tassani ikkussisoqassaaq, silaannarissarfiit pitsanngorsagassat kiisalu aamma igalaat matullu igalaallit. Pitsannguutit taakku aappaagu ukiup aallartinnerani suliarillugit aallartinneqarnissaat naatsorsuutigineqarpoq.</p> <p><i>Sanaartukkanut aserfallatsaaliinernullu inassuteqaat siulersuisut akueraat.</i></p> |
| 9. | Siulersuisut ataatsimiinnissaasa tulliup sinaakkusersornera (ulluliineq ukiumullu pisussat) |
| a. | <i>Strategidage d. 30. og 31. marts og bestyrelsesmøde d. 1. april 2020 i Nuuk</i> |

| | | |
|-----|---|--|
| | | <p><i>Anguniakkanut ulloq ingerlanneqartussaq Michael Binzerimit ingerlanneqassaaq, kiisalu aamma pisarneq malillugu ataatsimiinneq siulleq aqaguani ingerlanneqassalluni</i></p> <p>Inassuteqaat: Iisimatitsissut tusaatissatut tiguneqassaaq</p> <p>Faciltator kan ikke før til maj. Ilaasortat tamarmik marts naanerani anguniakkanut tunngatillugu ulluni ingerlanneqartussani peqataatinnissaat ajornakusuulaarpoq. Ajoraluartumilli ullut nikisinnissaat periarfissaanngilaq.</p> <p><i>Siulersuisunit aalajangerneqarpoq anguniagassanut tunngatillugu ullut ingerlanneqartussat maaji qaammammut nuunneqarsinnaanngimmata martsimi ulluliussat atuutsinneqaannassasut. Maajimi qaqilertuinissamut ullormik pilersaarusiortoqarsinnaanersoq misissorneqassaaq.</i></p> |
| | b. | <p><i>2019-20-mut ukiumi pisussat kiisalu suliassat tulleriissarneri</i></p> <p>Inassuteqaat: Piffissap sinneranut suliassat aaqqissorneqarneriisinnaapput</p> <p><i>Oqaaseqaateqanngilaq.</i></p> |
| 10. | Sammissaq | |
| | a. | Soqanngilaq |
| 11. | Siulersuisut aalajangiussaatt pillugit attaveqaqatigiinneq | |
| | <p>Aningaasaqarneq kiisalu aamma ukiumut aningaasaqarnikkut nalunaarsuutit pillugit ernummatigineqartut Naalackersuisoqarfimmut allaaserinissaat.</p> | |
| 12. | Allat. | |
| | <p>Ataatsimiinnerup ingerlanneqarnissa pillugu siulersuisut naatsumik eqqartuisimapput, attaveqaqatigiinnermullu periarfissat qimerloorneqassallutik.</p> <p>Anguniagassanut atatillugu suliniutissanut sammisanullu siunnersuutit: SC – siunissamut sammisat, 17 nunarsuaq tamakkerlugu anguniakkat (ilinniarnermi pitsaassuseq pingaarnertinneqarsinnaavoq). FU-ataatsimiinnermi januaarimi qaqilertorneqarsinnaavoq tamanna. KLK - Siulersuisunit attaveqaqatigiinneq nalilersuinerlu. Malittarisassat, ulluinnarni aqutsisut ataatsimiititaliaat aammalu sulianut tunngatillugu periuseq/aaqqissuineq NALILERSUINEQ –ataatsimut isigalugu kiisalu aamma qanoq periuseqarnissaq SC –Taamattaq siulersuisut pissusaat pillugu oqallinneq, aammalu siulersuisut namminneq naliliutaat taakkulu aamma sulinerat.</p> | |